



TOSHKENT DAVLAT YURIDIK UNIVERSITETI REKTORINING B U Y R U G ' I

01.12.2023

215-um-son

Grant loyihasi bo'yicha olib borilayotgan ishlar samaradorligini oshirish to'g'risida

Yevropa Ittifoqi tomonidan "Erasmus+" loyihasi doirasida moliyalashtirilayotgan "Jan Mone nomidagi Yevropa Ittifoqi huquqi kafedrası" loyihasi (Project: 101048015-JMCEUL – "Jean Monnet Chair in European Union Law") (keying o'rinlarda – Loyiha) bo'yicha olib borilayotgan ishlar samaradorligini oshirish maqsadida,

BUYURAMAN:

1. Quyidagilar:

a) Xalqaro aloqalar va uzluksiz ta'lim bo'yicha prorektor D.Umarov bilan tuzilgan mehnat shartnomasi 2023-yil 30-aprel kuni bekor qilinganligi sababli 2023-yil 1-may kunidan boshlab Loyihaga umumiy rahbarlik Xalqaro huquq va qiyosiy huquqshunoslik fakulteti dekani D.Umarxanovaga amalda o'tganligi va u Loyiha rahbarning vazifalarini amalda bajarib kelayotganligi;

universitet rektorining 2022-yil 17-sentabrdagi 263–um-son buyrug'iga muvofiq Loyiha koordinatori, o'qitish bo'yicha modul rahbari vazifani bajarib kelgan H.Yunusov ayrim tushunmovchiliklar sababli Universitet bilan vaqtinchalik aloqa uzganligi, ammo u amaliy ravishda "Yevropa huquqi" modulidan darslik qo'lyozmasini tayyorlashda, "Yevropa ittifoqi huquqi" va "Yevropa ittifoqi huquqi (chuqurlashtirilgan)" modullaridan sillabus va o'quv materiallar tayyorlashda va Loyiyaning boshqa tadbirlarini amalga oshirishda faol ishtirok etganligi va hozirgi kunda aytib o'tilgan tushunmovchiliklar to'liq bartaraf etilib, Universitet bilan aloqalarni tiklaganligi ma'lumot uchun qabul qilinsin;

b) Loyiha a'zolari yangi tarkibi 1-ilovaga;

yangi tahrirdagi Loyihani amalga oshirish bo'yicha chora-tadbirlar rejasi 2-ilovaga;

yangi tahrirdagi Loyiha doirasida ajratilishi nazarda tutilgan grant mablag'larini sarflash bo'yicha xarajatlar smetasi 3-ilovaga muvofiq tasdiqlansin.

2. Moliya-iqtisod ishlari bo'yicha prorektor A.Iminov:

Yevropa ta'lim va madaniyat ijrochi agentligi (European Education and Culture Agency) (keyingi o'rinlarda – EACEA) bilan 2022-yil 25-aprel kuni

tuzilgan Shartnomaga (keyingi o‘rinlarda – Shartnoma) muvofiq mazkur kontragent hisobidan grant mablag‘lari sifatida jami 37000 yevro miqdordagi pul mablag‘larini moliyalashtirilishi, shundan 25900 yevro pul mablag‘larini universitet hisob raqamiga o‘tkazilganligi, qolgan 11100 yevro miqdordagi pul mablag‘larini Loyiha muddati tugagandan so‘ng 6 oy davomida shartnomada ko‘rsatilgan tegishli ishlar hajmi bajarilganligi va universitet tomonidan tegishli xarajatlar amalga oshirilganligi haqidagi taqdim qilingan hisobot tasdiqlangan taqdirda universitet hisob raqamiga kompensatsiya tarzida o‘tkazilishi inobatga olgan holda tegishli xarajatlarni Loyihaning umumiy rahbari D.Umarxanovaning asoslantirilgan bildirgilarga asosan 3-ilovaga muvofiq xarajatlarni amalga oshirilishini;

D.Umarxanovaga Loyihaning umumiy rahbari vazifasini amalga oshirish uchun oylik to‘lovlarni 2023-yil 1-may kunidan boshlab hisoblanishini;

M.Parpiyevga Loyiha hisobchisi vazifasini amalga oshirish uchun oylik to‘lovlarni 2022-yil 17-sentyabr kunidan boshlab hisoblanishini;

mazkur buyruqning 1-ilovada keltirilgan Loyiha umumiy rahbari va a‘zolariga tegishli to‘lovlarni 2-ilovada va grant shartnomasida keltirilgan va bajarilgan ishlar hajmiga mutanosib ravishda tegishli hujjatlar bilan isbotlangan taqdirdagina va universitetda egallab turgan lavozimi bo‘yicha ish yuklamasiga kirgan ishlar chiqarib tashlangan holda Loyihaning umumiy rahbari D.Umarxanovaning bildirgisiga asosan hisoblanishini va amalga oshirilishini ta‘minlasin.

3. Universitet rektorining 2022-yil 17-sentyabrdagi 263–um-son buyrug‘ining 3-ilovasi hamda 2023-yil 7-sentyabrdagi 146–um-son buyrug‘ining 1 va 2-ilovalari o‘z kuchini yo‘qotgan deb hisoblansin.

4. Mazkur buyruq ijrosini nazorat qilishni o‘z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Direktor

S.LATIPOV



Kelishildi:

Moliya-iqtisod ishlar bo'yicha
prorektor

A.IMINOV



Ilmiy ishlar va innovatsiyalar
bo'yicha prorektor

B.XODJAYEV



Bosh buxgalter

M.PARPIYEV



Katta yuriskonsult

A.TURSUNOV



Bo'lim boshlig'i

V.SOLIYEVA

